

Kesusahan jadi pendorong graduan OKU untuk berjaya

SERDANG - Kekurangan diri tidak menghalang graduan orang kurang upaya (OKU), Suhazli Muhamad, 26 untuk ke menara gading sehingga memperoleh Ijazah Sarjana pada Majlis Konvokesyen Universiti Putra Malaysia (UPM) ke-42 di sini semalam.

Graduan Kejuruteraan Perisian itu berkata, ketiadaan tangan dan kaki tidak pernah menyekat azamnya untuk berjaya dalam pelajaran.

"Meskipun pergerakan saya terbatas, saya tidak pernah berputus asa," katanya.

Menurut anak kelahiran Kerteh, Kelantan itu, dia mula menggunakan kerusi roda sewaktu tingkatan satu dan mula belajar berdikari ketika menyambung pengajian di Kolej Matrikulasi Tangkak, Johor.

Sementara itu, majlis sama



SUHAZLI girang menerima kucupan daripada ibu, Atikah Abd. Kadir dan bapa, Muhamad Derohad pada Majlis Konvokesyen UPM ke-42 di Serdang semalam.

juga menyaksikan graduan kaum Penan dan Orang Asli suku Temuan menerima diploma dan ijazah masing-masing.

Graduan Diploma Kejurute-



KELVIN yang menerima Diploma Kejuruteraan Pertanian berkongsi kegembiraan bersama ahli keluarganya.

raan Pertanian, Kelvin Niyok, 21, berkata, kejayaannya itu telah mengangkat dirinya menjadi satu-satunya anak jati Long Meeraan, Ulu Baram, Sarawak yang berjaya melangkah ke universiti.

"Saya berharap kejayaan ini menjadi contoh buat kaum Pe-

nan di kampung untuk menyambung pengajian ke peringkat lebih tinggi," katanya.

Graduan Ijazah Sarjana Muda Sains (Biologi), Nuraimi Abdullah, 23, pula berkata, pengorbanan ibunya menyara hidup mereka sekeluarga dengan



NURAIMI yang menerima Ijazah Sarjana Muda Sains (Biologi).

menoreh getah telah menjadi sumber kekuatan untuk terus mengharungi dugaan mendatang.

Nurami yang merupakan suku kaum Temuan adalah seorang saudara baharu yang kehilangan ayahnya sewaktu berusia 11 tahun.